



Broj:
Sarajevo, 28. III 2002.

M E D I J I M A

Predmet: informacija

Šeh-in se pripaja ABS banci, Depozitna Vakufskoj,
a Camelija banka likvidirana

Agencija za bankarstvo Federacije BiH odlučila je danas da od 31. marta ove godine povuče dozvole za rad koje su imale Šeh-in banka dd Zenica i Depozitna banka dd Sarajevo. Šeh-in banka pripaja se ABS banci iz Sarajeva, a Depozitna banka Vakufskoj, takođe iz Sarajeva, u sklopu kojih će nastaviti normalno poslovanje, ali pod imenima banaka kojima se pripajaju. Pripajanjem ABS banci prestaje privremena uprava u Šeh in banci, uvedena u septembru prošle godine zbog problema sa ispunjavanjem zakonskog cenzusa u uplaćenom dioničkom kapitalu. Kako je i najavljeno, tokom privremene uprave nastojanja su bila usmjerena na pripajanje Šeh-in banke nekoj drugoj banci iz Federacije BiH što je i realizovano aranžmanom sa ABS bankom.

Odlukama skupština dioničara, Vakufskoj banci pripaja se Depozitna čime nastaje veća i jača banka.

Usvajajući konačni izvještaj o toku likvidacionog postupka u Camelija banci dd Bihać, Agencija za bankarstvo FBiH je donijela odluku o zaključenju postupka i uputila zahtjev nadležnom sudu u Bihaću da se Camelija banka dd briše iz registra. Istovremeno, dužnosti je razriješen likvidacioni upravnik Senad Kazazić. Tokom procesa privremene uprave i likvidacije isplaćene su sve obaveze koje je banka imala prema štedišama i drugim deponentima i povjeriocima u iznosu od blizu tri miliona konvertibilnih maraka, a iz likvidacione mase su isplaćene i cjelokupni dionički ulogi osnivača i vlasnika Camelija banke dd Bihać. Privremena uprava u Cameliji uvedena je zbog neispunjavanja cenzusa u kapitalu. Kako pokušaji dokapitalizacije, odnosno spajanja ili pripajanja Camelije nekoj drugoj banci nisu dali rezultate, otvoren je proces likvidacije koji je uspješno okončan.

Nakon oduzimanja dozvola Šeh-in i Depozitnoj banci, radi pripajanja drugim bankama, u Federaciji BiH 31 banka ima licencu za rad, od čega su četiri pod privremenom upravom – Una banka dd Bihać, Gospodarska banka dd Mostar, Mostarska gospodarska banka dd Mostar i Hercegovačka banka dd Mostar.

Ured FBA za informisanje

Ibrahim Polimac